
“Soliqchi - ko’makchi” tamoyili asosida amalga oshirilayotgan ishlar yuzasidan O’zbekiston tuman davlat soliq inspeksiyasi boshlig’ining hisoboti

Tadbirkorlik subyektlari va aholi bilan o’tkazilgan ochiq muloqotlarda bildirilgan takliflarni inobatga olgan holda faol ishbilarmonlik muhitini shakllantirishni yanada rag’batlantirish, soliq majburiyatini bajarishda aholi tomonidan ortiqcha xarajatlarga yo’l qo’ymaslik, shuningdek, qo’shimcha ish o’rinlarini yaratish maqsadida joriy yil 14 iyun kuni Prezidentning PQ-192-son qarori qabul qilindi.

Qarorga ko’ra, 2023 yil 1 iyun holatiga quyidagilar hisobdan chiqariladi:

- jismoniy shaxslardan olinadigan mol-mulk solig’i va yer solig’i (noturar ko’chmas mulk obyektlari bundan mustasno) bo’yicha muddatida to’lanmagan qarziga hisoblangan penya summalar;

- oxirgi 6 oy mobaynida moliya-xo’jalik faoliyatini amalga oshirmayotgan YaTTlarning qat’iy belgilangan miqdordlardagi jismoniy shaxslardan olinadigan daromad solig’i va ijtimoiy soliqdan vujudga kelgan qarzi, hamda ularga hisoblangan penya va jarimalar summasi;

- xo’jalik yurituvchi subyektlarning tashqi savdo operatsiyalari bo’yicha muddati o’tgan debtor qarzdorligi uchun qo’llanilgan jarimalar summasi.

Ushbu soliq qarzi, penya va jarimalarni undirish bilan bog’liq sud va ijro ishlari tugatiladi.

- 2024 yil 1 iyungacha yer uchastkalaridan hujjatlarsiz foydalanayotgan jismoniy shaxslarga yer solig’ining 3 karra oshirilgan stavkasida soliq hisoblash tartibi to’xtatiladi.

- Fermer xo’jaliklariga 2023 yil 1 iyun holatiga shakllangan suv solig’idan qarzini 12 oy mobaynida teng ulushlarda foizsiz bo’lib-bo’lib to’lashga ruxsat etildi.

2023 yil 1 iyuldan 2024 yil 1 iyulgacha issiqxonaga ixtisoslashgan yer maydoni 25 sotixdan ko’p bo’lgan tadbirkorlar tomonidan ishchilarining mehnatga haq to’lash tarzidagi daromadlari bo’yicha to’langan jismoniy shaxslardan olinadigan daromad solig’ini quyidagi shartlarga bir vaqtning o’zida rioya qilinganda tadbirkorlarga qaytarib berish tartibi joriy etiladi:

- har bir 5 sotix yer maydoni uchun oyiga kamida 1 nafar ishchining bandligini ta’minlash;

- har bir ishchi uchun oyiga mehnatga haq to’lash tarzidagi daromadni mehnatga haq to’lashning eng kam miqdorining 1 baravaridan kam bo’limgan (980 ming so’m) miqdorda belgilash;

- issiqxonaga ixtisoslashgan tadbirkorlik subyektlari tomonidan issiqxona faoliyati bo’yicha olgan daromadlari joriy hisobot (soliq) davri yakunlari bo’yicha jami daromadning kamida 60 foizini tashkil etishi.

Ta’kidlash joiz, ayni kunlarda O’zbekiston tuman soliq inspeksiyasi xodimlari tomonidan tadbirkorlar bilan turli ochiq muloqot va uchrashuvlar tashkil etilib, mazkur yangiliklar mazmun-mohiyati tushuntirilmoqda, shu bilan birga, ularni qiyinayotgan muammolar

o'rganilib ijobiylar hal etish choralari ko'rilmoxda. Shuningdek, tadbirkorlik faoliyatini amalga oshirish uchun muhim bo'lgan qator yo'naliishlarni belgilab olgan holda amaliy yordamlar ko'rsatilmoqda.

Xususan, 2023 yil noyabr oyi davomida O'zbekiston tuman soliq inspeksiyasi tomonidan 410 ta tadbirkorlik subyektlarini qiynayotgan muammolar o'rganildi. Mazkur jarayon davomida ko'maklashish zarur bo'lgan 113 ta tadbirkorlik subyektlariga dastlabki buxgalteriyasini yuritish, qulay soliq rejimini tanlash, soliq imtiyozlari va ularni qo'llash tartibini tushuntirish, ortiqcha QQS to'lovlарini qaytarish kabi masalalar yuzasidan amaliy yordamlar ko'rsatildi.

Biz, soliq idoralari xodimlari bundan buyon ham, albatta, Prezidentimiz belgilab bergenlaridek, tadbirkorga maslahatchi, ko'makchi va yaqin hamkor sifatida faoliyatimizni davom ettiramiz.

Ulug'bek Fozilov

O'zbekiston tuman davlat soliq inspeksiyasi boshlig'i

2023-12-15 09:43:41